

مطبعه و محل اداره :

جفال اوغلنده امنيت  
صندوقى جوارنده  
شكول يقوشنده  
۲۷ نوسرو

# مجله تالقيم

۱۳۲۶

مسلكمزه موافق آثار  
جدديه مع المنونيه  
قبول اولنور

درج ايدلمه بن آثار اعاده اولنماز

ديره ، فلسفه ، علوم ، حقوق ، ادبيات تاريخ ، وسياستنامه وبالنخاصه احوال وشئون اسلاميه وديانت ايدرو هفته ده بر نشر اولنور .

صاحب و مؤسسى :

ابوالعلا زين العابدين - ح . اشرف اديب  
تاريخ تاسيسى

۱۰ تموز ۳۲۴

آبونه بدلى

سنه لى

|                     |     |     |       |
|---------------------|-----|-----|-------|
| عمالك عثمانيه ايجون | ۶۵  | ۳۵  | غروش  |
| روسيه               | ۶۰۰ | ۳۰۰ | روبله |
| سائر عمالك اجنبيه   | ۱۷  | ۹   | فرائق |

در سعادتده نسخه سى ۵۰ ياره در

قيرله دن مقوا بورو ايله كوندر

۲۰ غروش فضله آلدير

يدنجى جلد

۷ شوال ۱۳۲۹ پنجشنبه ۱۷ ايلول ۱۳۲۷

عدد : ۱۶۰

## حریق مناسبتیه

بزده هر مسئله بالفعل اولوب کچدکن صوکره بر قاچ کون سویله نیر  
وبر چوق ایشلر کوریله جک کبی ده اولور ، صوکره آراسی چوق  
سورمز تماماً منسی اولور کیدر .

بو حال ، بو طبیعت بزده بولدقجه ، هر نه سویله رسک بوشدر .  
فقط بو یاغین مسئلهسی اورته لفته بز موجود ایکن پک چابوق  
اونودیله مز . وبوبابده سویله نه جک سوزلر سوز تاثیر اوله رق بر  
نتیجه ویرمزسه ده ، تکرر نتیجهسی اوله رق احتمالک بر زمان نظر  
اعتباره آلتور . شو امید ایله بزده تکرر بر قاچ سوز سویله یه جک  
اولورسه ق فضل اولمز ظن ایده رم .

دیانت اسلامیه ده شریعت غراء مطهره ، بزم امور دنیویه و  
اخروییه منزی متکفل اولدیغندن ، هر حالده بر جهتمز دین جلیله مزه  
مربوط اوله جنی شبه دن وارسته در .

بو کون یاغین ایچون عالم مدنیت ده اتخاذ اولنش تدابیردن بری  
واک مهمی سیغورطه مسئله سیدر . بو مسئله یی آغزه آلدیغ کبی  
علمامز میاننده بر چوق کفت و کویه سبیت ویریله جکی خاطره کلور .  
فقط اورته لفته برده منافع عامه اولدینی ایچون هر نوع تعرضه هدف  
اوله جغمی کوزه آلدیره رق بو خصوصه فکرمی بیان ایتمک ایسترم .  
بو کبی مسئله ده بر قاچ سوز سویله مک استه ن لری عموم علمامز  
اول باول اجتهاد ایله اتهام ایدر لر . اشته بو اک بیسوک خطامز در .  
کاشکی بزده اجتهاد درجه سی بولسه ایدی ، بتون مشکلاتمزل اولنوردی .  
مع التأسف اجتهاد ایله بزم علمامز آراسنده ( قلل جبال ) وار .  
مع مافییه ینه مسائل مهمه قارشو سنده بولندقجه علمامز شریعت  
طرفدن برسوز سویله مک مجبوردر .

بزم کتب فقهیه مزده ( سیغورطه ) حفته متقدمین و مجتهدین  
علمامز طرفدن سویله نمش هیچ بر سوز یوقدر و اوله مزده . متأخرین  
علمامز ایسه بو کبی مسائله هب احتیاط جهتی استحسان ایتمش .  
احتیاط دیرسه م اصل حل مسئله ده احتیاط دکل ، بلکه قارشولرنده  
ظهوری محتمل اولان ، عارضلردن احتیاطی کندیله رینه عادنا برمسلك  
اتخاذ ایدمشلر . بوسیدندرکه عصر حاضرده یوماً فیوماً تجدداً تمکده  
اولان احتیاجات جاریه دن پک چوق مسئله لر لایقینه حل اولنه میوب  
باب فتوا ده سورونجه ملرده قالمقده در . بری تحریم ایدر ، او بری  
تحلیل ایدر ، دیرکن مسائل مختلف فیه دن اولوب کیدر .

اشته شو جمله دن سیغورطه مسئله سی دخی فتواخانه لر قابوسنه  
برقاچ دفعه لر کیرمش چیقمشدر . بن شیمدی سیغورطه نک جواز ویا  
عدم جواز جهته ذاهب اولمایه جغم ، بلکه او جهتی شیمدی لک اغماض  
ایده رک ، یالکنز سیغورطه نک لزوم وعدم لزومی جهتی نظر دفته  
عرض ایده جکم .

ظن ایده رم که سیغورطه نک لزومی و منفعتی انکار ایدر بر آدمه  
تصادف اولنه مز ، اساساً انکار ایدر سبیله خانه سی یاندقندن صوکره

رفقاسنی طوتوب باغلامق ایدی . فقط وجه سعادتق کوروب ذات  
رسالتله کوروشنجه ایمانه کلدی . باشنده کی بیاض صاریغی چوزوب  
مزارقنک اوچنه ربط ایدی و ( قبا ) قریه سنه قدر رسول اللهمک  
اوکنده علمدارلق وظیفه سنی ایفا ایله دی .

ایشته اسلامک ایلك سنجداری بوذات ، ایلك سنجداری ده اونک  
بیاض صاریغیدر .

بعث نبویه تک اون دردنجی ییلنده کی ربیع الاولک ابتدالرنده کی  
بر بازار ایره سی کونی ایدی که بنی افخم صلی الله علیه و آله وسلم افندیمز  
قبا کوینه شرقول بویوردی . اوراده ایلك مسجد شریفی - که  
قرآنده لمسجد اسس علی التقوی مدیحه السیه سنه مظهردر - انشا  
ایله دی . اوچ کون صوکره حضرت علی مکدن کلوب شرف لقای  
محمدی یه نائل اولدی . علی روایه اوچ هفته قدر کویده اقامت  
اولوندن صوکره بر جمعه کونی مدینه یه متوجهاً عزیمت ایدیلدی .  
اشنای راهده ( رانونا ) موقعنه کلینجه ده وه دن اینوب خطبه اوقو-  
دی . ایلك جمعه نمازنی قیلیدردی .

اهالی مدینه ، فوق العاده بارلاق بر صورتده استقبال نبوی یه  
چیقدی . هبسی رسول اللهمک کندی اوینه مسافر اولمانسی ایستور ،  
رسول اکرم ایسه « ده وه مزک جو کدیکی بر منزل اولاجقدر . » بویوردی .  
ده وه ؛ اولاخالی بر عرصه یه ، مؤخرأ ( ابویوب خالد الانصاری )  
نک خانه سی اوکنه چو کدی . داهاصوکراده اولکی چو کدیکی عرصه یه  
کیدوب اوطوردی .

حضرت ابو ایوب ، ده وه نک اوستنده کی اشیایی آلوب خانه سنه  
کو توردی . افندیمزده او مهمانپرور ذاتک آلتی ، یدی آی قدر  
مسافری اولدی .

بالاخره نوخالی عرصه ، اشترا و اوزه رینه مسجد نبوی ایله  
هجرات سنیه انشا ایدیلدی . مسجدک قبله سی قدس جهته توجیسه  
اولوندی . مکده قالان اهل بیت پیغمبری ایله حضرت ابوبکرک  
عائله سی کتیریلدی . رسول الله ، مهمانخانه سندن منزل جدیدینه نقل  
بویوردی . حضرت ابوبکرک کریمه سی اولوب مکده ایکن افندیمز  
نکاح ایدیلمش بولونان عایشه الصدیقه حضرت ترینک ده زفافی اجرا قیلیندی .  
نماز وقتلرینی اعلام ایچین اذان اوقومق مشروع اولدی و ایلك  
دفعه بلال حبشی مسجد شریفک دامنه چیقوب اذان محمدی یی ملاء  
اعلا یه اعلا ایله دی .

طاهر المولوی

ماهدی وار

## مقبر فراهده :

بیرام کونی سوروب یوزمی خاک قبرکه ،

اشک تری چنلرینه شبنم ایله دم !

هرکس أونده ، بنسه مزارکده کریه بار !

« ایل عید اکبر ایله دی بن ماتم ایله دم »

طاهر المولوی

مطلقاً او فکرنیدن رجوع ایدرک هیچ شبهه‌سز سیغورطه‌نک لزومنه قانع اولور .

شوحالده نه ایچون بزم خانه لر مز و اشیا مز ، حتی اشخاص مز سیغورطه به وضع اولنمیور ؟ شرعاً حرام اولدینی ایچونمی ؟

اکر بز شو صورتله مسئله بی لایقیده تحقیق ایده جک اولورسه ق ، هیچ شبهه‌سز تبین ، بلکه تحقق ایده جکدرکه ، اصل خانه لر مزک

سیغورطه اولونمامسی ، سیغورطه به عدم اعتنا مزدن ، حلیت حریمیت مسئله سنی ملاحظه و نظر اعتباره آلدیغمز دن دکلدنر . بلکه

اکثریت ، بزده سیغورطه اصولی ملتک منفعتی تمامیه تأمین ایده مه سندن سیغورطه به رغبت اولنمیور . سیغورطه شرکت لری

هپ کندی منفعت تجاری لری ایچون چالیشیور لر ، عموم شرکت لری یالکیز اونقطه به نظر ایدر لر ، و اونقطه دن نظامنامه لرینی یامش لر ، بده

هر نه قدر اغیا و تجاران منفعتنه توافق ایدر سده ، فقرا و افراد ناس ایچون اداره ایتمز . بزده دائمی پاره بولنمیور ، سیغورطه شرکاسی

هر زمان نقد پاره استر ، بعضی آدم لر سنه لرجه خانه سنی سیغورطه به وضع ایدیورده ، صوکره تقسیط ایامی کلدیکی ساعت ده پاره

بوله میور ، علی الاکثر یاغین دخی اوکونلره تصادف ایدیور . حتی احبامز دن بری اون سنه دنبرو خانه سنی سیغورطه ایتدیکی حالده ، بو

کره بر قاج کون مقدم تقسیط زمانی کچمش . ایجاب ایدن اوج لیرایی بوله مدیغندن خانه سنی بلا سیغورطه محترق اولمش ، شیمدی سیغورطه دن

دخی استفاده ایده میور . طبیعی درکه بوکی مسئله لرده سیغورطه شرکت لری دخی مؤاخذه اولنمز لر ، شو حالده نه یامه لی ؟

بزم اسلامز بوکی مسئله لری نظر اعتباره آلور لر مش . بالخاصه خلفاء عظام اقدیلر مز ملتک احوال عمومیه سنه ده از یاده دقت ایدر لر مش ،

سیدنا عمر رضی الله عنه « عاقله » مسئله سنده خصوصی بر دیوان تنسیق ایده رک ، دیت مسئله سنده حق عاقله بی عشرت دن

اهل دیوانه الزام ایتمدی . یعنی عصر سعادتده قاتلک عاقله سی عشرت وقبله سی ایکن صوکره سیدنا عمر بر دیوان تنسیق ایتدی . هرکس

اودیوانه بر مقدار پاره ویره رک قید اولندی لر . بونک اوزرینه بونلره اهل دیوان تسمیه اولندی ، نه زمان بونلر دن برینه دیت ایله حکم

اولونسه اودیت اهل دیوان طرفندن تأدیه اولنوردی . موالات مسئله سی دخی بو صورتله شارع طرفندن حکم اولنمشدر .

بزده بو اساس لر موجود ایکن اکر کندیمز بر آز سی وغیرت ایدرده ، بلدیله لر مزده برده « تکافل اصولی » ایجاد اولنورسه خانه

ویرکولرینه ، املاک و عقار ویرکولرینه ، برده تکافل ویرکوسی تکلیف اولنورسه نه ایچون جائز اولماسون ؟ بونکده نظامنامه سی

بر آز مساعد صورتده وضع اولنوبده بر تقسیط ، یاریم تقسیط تداخلده قلمسی ده تجویز اولنورسه و قیمت جهتن دن دخی یوزده نهایت اوج

آلنورسه شو صورتله غایت اوجوز مجبوری بر سیغورطه اصولی اختراع اولنورسه ، تکافل عمومی صورتنده قبول اولنورق جهت شرعی سی

دخی توافق ایدردی .

بو یله بر اصول انخاد اولنورسه ایتم املاکی محافظه ایچونده آروجه بر تسهیلات کوستریله بیلوردی ، ظن ایده رم بو صورتله تکافل

اصولی ایجاد اولنورسه مملکت داخلنده تکافل سرمایه سی ، آروجه کلیتی بر ثروت تشکیل ایده رک لدی ایجاب ایشه یاراردی . صوکره

سیغورطه به وضع ایتمک ایسته یین لر بونک فوقنده ده سیغورطه شرکت لرننده تأمین ایتدی ره بیلوردی . شو صورتله شریعت غراء

مطهره به موافق منفعت عمومیه تأمین وغایت مکمل و شرعی بر سیغورطه اصولی ده تأمین اولنمش بولنوردی .

بزده بوکی مسائل مهمه به کلنجه علمامز ( رحمهم الله ) او هامه مغلوب اولمش لر . یالکیز بر نقطه به عطف نظر ایده رک سکوتی ترجیح

ایتمش لر در .

### عبدالرشید ابراهیم

#### اسلامده فن و فلسفه

دردنجی عصر همبیره اندلس . - « عرب طرز معمار یسنده ،

نظر دقت و حیرت ؛ مناظر خارجیه دن زیاده نفس اثره منجذب اولور . اسلام لرده اشکال و هیاکل انسانیه دیناً ممنوع ایسه ده ؛ بو

نقصان ؛ قوه مخیله نیک اختراع ایده بیله جکی تزینات و بدایع متنوعه ایله معزیاده تلافی ایدلمکده ایدی . آثار صنایع برینه دلر با حدیقه لرک

طراوتنک نهالری ، باصره پیراشکوفه لر ی اقامه ایدیلر و مبانی نظر فریب نباتاتله دوناتیایردی .

بو سببه مینیدرکه اسلام لر آرسنده مشهور آرتیستلر ، صنعتکارلر ظهور ایده مامش و فقط پک چوق ماهر قوماندانلر ، بویوک

فلسوفلر ، مدقق متفکرلر ، درایتلی اداره و حکومت آدم لری یتشه شدر .

اندلس باغچه لری و حتی خانه لرک ایچری لری کونا کون چیچکلر ، نادر و شوسلی فدائیلرله لطیف و نظر پیرا بر دوحه دل فریب حالته

کتیر یلیردی . نظافته ، عائله اکلنجه لرینه عائد درلو لوازمات احضار ایدیلر .

و هیچ بر شی ده اثره تسامح کوستر لردی . اکابر قوناقلرنده مرمر حوضلر ؛ معدنی بویولرله نقل ایدیلن

و مواسمه کوره تحول ایدن صیجاق و یا صوغوق صولرله متصل طولوب بوشانیر لردی . صرصره القارازاسی دستیلرینی حاوی اولان خصوصی

اوطه لر ؛ آرزو ایدلدیکی زمان و ایسته نلدیکی وجهله جریان هوا به معروض بر اقیله بیله جک صورتده ؛ و انتیلا تورلرله مجهز ایدیلر .

باغچه ایچری لرنده قادی نلرک اکلنمه سنه مخصوص غاله ریلر ، چوچقرا ایچون لایبرنتلر ، مرمر اورتیلی آلورلر ، معلماره مخصوص

واسع کتبخانه لر انشا ایدیلردی . حکمک کتبخانه سی او قدر زنگین ایدی که یالکیز قتلوغی فرق